



KENYATAAN MEDIA

UNTUK SIARAN SEGERA

KARNIVAL PTPTN SEMPOI BAQ HANG DAN PEJABAT PTPTN NEGERI PULAU PINANG PLATFORM DEKATI MASYARAKAT

1. Perbadanan Tabung Pendidikan Tinggi Nasional (PTPTN) telah melancarkan Karnival PTPTN Sempoi Baq Hang dan Pejabat PTPTN Negeri Pulau Pinang pada hari ini. Majlis pelancaran telah disempurnakan oleh YBhg. Dr. Apli bin Yusoff, Pengerusi PTPTN bertempat Lobi Elevate Gravitas berhampiran Pejabat PTPTN Negeri Pulau Pinang, Permatang Pauh, Pulau Pinang. Turut hadir YBrs. Encik Ahmad Dasuki Abdul Majid, Ketua Eksekutif PTPTN dan YBhg. Puan Farrah Husammudin, Ketua Pegawai Eksekutif Sinar Karangkrak Sdn. Bhd.
2. Penganjuran Karnival PTPTN Sempoi Baq Hang yang diadakan secara *on-ground event* merupakan kerjasama PTPTN dan Sinar Harian bersempena Jubli Perak 25 tahun PTPTN. Karnival ini adalah kesinambungan kepada Peraduan Syoknya 25 Tahun PTPTN juga merupakan salah satu program promosi melalui pendekatan turun padang yang bertujuan mengeratkan hubungan dan mendekati masyarakat melalui aktiviti dan pertandingan yang menarik.
3. Pelbagai aktiviti disediakan untuk disertai oleh ibu bapa dan anak-anak, antaranya Pertandingan Kira Logo Jubli Perak 25 Tahun PTPTN, Pertandingan Mewarna Simpan SSPN, Pertandingan *Puzzle* Simpan SSPN, Pertandingan *Action Song* Simpan SSPN, Cabutan Sempoi Baq Hang dan banyak lagi. Selain itu, karnival turut dimeriahkan dengan penyertaan 13 agensi pempamer seperti kaunter Kumpulan Wang Simpanan Pekerja (KWSP), Bank Negara Malaysia (BNM), Jabatan Akauntan Negara Malaysia (JANM), Zakat Pulau Pinang, produk makanan seperti A & W, MAGGI dan Milo serta Van Kelab Simpanan Pendidikan.

4. Peraduan Syoknya 25 Tahun PTPTN ini telah bermula pada 30 November 2022 dan akan berakhir pada 31 Disember 2022 dengan hadiah keseluruhan berjumlah RM15,000 dalam bentuk akaun Simpan SSPN Prime. Peraduan ini diadakan melalui dua (2) platform iaitu akhbar dan digital Sinar Harian. Bagi penyertaan melalui akhbar, tempoh peraduan telah tamat pada 16 Disember 2022. 50 peserta terawal yang menghantar penyertaan semasa berlangsungnya Karnival PTPTN Sempoi Baq Hang berpeluang memenangi hadiah berupa akaun Simpan SSPN Prime sebanyak RM100 dan hadiah eksklusif PTPTN. Manakala bagi platform digital, peraduan masih berlangsung sehingga 31 Disember 2022. Turut diadakan adalah penyampaian hadiah kepada dua (2) orang pemenang Cabutan WOW! 25Tahun PTPTN Cabutan Siri - Silver 2. Masing-masing menerima hadiah berupa wang tunai berjumlah RM2,525.00 setiap seorang.

5. Dr. Apli Yusoff, Pengerusi PTPTN berkata, "Dalam memastikan identiti korporat PTPTN terus disegani dan memberi kepercayaan yang kukuh, agensi ini telah melaksanakan penjenamaan (*rebranding*) secara berperingkat bermula tahun 2020. Inisiatif ini selari dengan Pelan Strategik 2021-2025 yang turut menumpukan kepada usaha memperkasa organisasi ke arah yang lebih dinamik dan cemerlang melalui memperkasakan imej, budaya dan proses kerja melalui penjenamaan dan pendigitalan PTPTN."

6. "Pemilihan lokasi penganjuran karnival ini sangat bertepatan bagi menghebahkan kepada orang ramai tentang perpindahan Pejabat PTPTN Negeri Pulau Pinang dari Seberang Jaya, Pulau Pinang ke lokasi baharu yang lebih strategik iaitu di Elevate Gravitas, Permatang Pauh. Justeru, seluruh warga Pulau Pinang boleh mendapatkan pelbagai perkhidmatan yang disediakan. PPN Pulau Pinang telah mula beroperasi pada 15 Disember lepas. Selain itu, PTPTN juga mempunyai tiga (3) Pejabat PTPTN Cawangan (PPC) di Pulau Pinang iaitu PPC Bayan Baru, PPC UTC Pulau Pinang dan PPC Bukit Mertajam." tambah Apli.

7. Mula beroperasi pada 1 November 1997, PTPTN kini telah menjangkau 25 tahun penubuhannya. Sehingga 30 November 2022, PTPTN telah membantu seramai 3.77 juta pelajar dengan jumlah pinjaman yang telah dikeluarkan sebanyak RM68.22 bilion. Manakala sehingga 30 November 2022, jumlah deposit Simpan SSPN yang diterima adalah sebanyak RM13.38 bilion dengan bilangan akaun berjumlah 5.68 juta.

**Perbadanan Tabung Pendidikan Tinggi Nasional (PTPTN)
17 Disember 2022**